



## **Universitätsbibliothek Paderborn**

**Centvriæ Selectorvm Casvvm Conscientiae. I. II. III.tia**

**Burghaber, Adam**

**Fribvrgi Brisgoiæ, 1665**

61. Nerevs percutit Achillem, quem nouit esse Clericum, attamen putauit esse Achilleum itidem Clericum, quo errore non cuitat excommunicationem.

**urn:nbn:de:hbz:466:1-40942**

rit contritionem, attamen cum bonâ fide procedat, per proximam confessionem ponetur in statum gratiæ, non obstante priori defectu, siquidem tunc malè confessa condonabuntur indirectè postea virtute alterius confessionis sequentis. Tum quia perarduū est, Confessarium sese infamare debere, dicendo, malè se absoluisse. Tum quia Nellus Confessarius vix aliud facere potest, quām dolere de commissa culpa, & Othonem in bona fide relinquere. Nam non potest absoluere absentem post Clementis VIII, declarationem; nec præsentem & insciūm, poterit enim interea temporis peccasse mortaliter; nec facilè monere propter errorē commissum absq; periculō sigilli, quippe dicere: *confitere mihi iterum, etenim non habui jurisdictionem te absoluendi idem est, ac dicere: tu habuisti casum reseruatū, &c.*

*Ad 1. in contrarium dicimus, hanc iacturam non esse tanti faciendam, cum mille alijs modis reparari possit, ut ipse fatetur Lugo n. 56.*  
*Ad 2. Distinguimus antecedens, & concedimus, si periculum sit, sæpius similia peccata committendi: secus, negamus; in casu autem ignorantiae de obligatione audiendæ missæ subesset tale periculum: minimè verò in casu confessionis inualidè propter defectū jurisdictionis in Sacerdote.*

*LXI. Nereus à longo iam tempore malè affetus erga Achilleum Clericum nuper obvium habuit Achillem iidem Clericum & Achilleo persimilem,*

tem, in quem idcirco primò verbis invehitur iniurious, mox verbera addit, & tandem facta iam percusione errorem suum agnoscit. Quæritur. Vtrum Censuram excommunicationis incurrit?

Videtur non incurrisse. Nam qui volens percutere Petrum Clericum aberrat, & præter intentionem percutit Paulum itidem Clericum Petro astantem, non contrahit excommunicationem, ut ex communi Doctorum tradit Bonac. Tom. I. Tr. de cens. D. I. q. 2. p. 211. num. 20. Ergo nec eandem Nereus, cum parvtrinque sit ratio.

Resp. Nereum in Censuram excommunicationis percutiendo Achillem incidiisse. Ita Couarr. Vega. Sayr. Sanchez. Layman. & alij, quos refert & sequitur Barbos. L. I. juris Ecclesiastici vniuersi. c. 39. n. 59. Ratio est Tum quia tam intentio, quam opus externum est iniuriosum statui clericali, propter cuius reverentiam fuit imposita excommunicatione. Tum quia nulla ignorantia excusat Nereum in hoc casu, cum habeat intentionem percutiendi Clericum, & reipsa percutiat Clericum, quamvis putet esse alium Clericum.

*Ad rationem in contrarium negamus consequiam propter disparitatem, quia in casu nostro Nereus voluntariè percutit Achillem, quemnouit esse Clericum, in quo tota ratio consistit, ob quam Canonis excommunicatio data est; at verò in casu obiectionis voluntariè non*

non percutitur homo, qui scitur esse Clericus, sed percussio huius Clerici casu accidit, & præter omnem intentionem, ut proinde, cessante voluntario, locum excommunicatio amplius non reperiat.

LXII. Nicander Parochus curis, negotijs, & colloquijs varijs ita frequenter distrahitur, vt ante Sacramentorum administrationem non aliam habeat voluntatem, quam more aliorū Sacerdotum sacris vestibus induendi, locum designatum audeundi, & cetera consueta faciendi, quam incuriam & mentis occupationem, cum aliquando aperires Confessario suo, grauis ei iniectus est scrupulus de Sacramentis invalide administratis, quo scrupulo etiamnum vehementer angitur. Quæritur. Vtrum voluntas prædicta sufficiens sit intentio à Trident. sess. 7. Can. II. ad effectiōnem Sacramenti requisita, ut illa præsentē, Sacraenta valide administrata fuisse censeatur?

Videtur non esse sufficientem ex communione Theologorum. Tum quia voluntas illa nec est intentio actualis, quam admittunt omnes: nec virtualis ex priori actuali remanens, quam itidem omnes agnoscunt sufficientem: nec deniq; habitualis, siue illa actualis, quā quis Sacramentum Ordinis accepit, ut Sacerdos & Minister Christi fieret, ac nunquam eam retractauit, quam sufficientem agnoscere videntur Valentia Tom. 4. D. 3. q. 5. pun. 3. & Henriquez in Sum. l. 1. c. 10. num. 2.